

خطب لمستقبلك | #خطبة_جمعة | د. حازم شومان

حازم شومان

ان الحمد لله ان الحمد لله نحمده ونستعين به ونستغفره ونعوذ بالله من شرور انفسنا ومن من سيئات اعمالنا انه من يهده الله فلا مضل له. ومن يضل فلن تجد له هاديا مرشدا. يا - 00:00:00

يا ايها الذين امنوا اتقوا الله حق تقاته. ولا تموتن الا وانتم مسلمون يا ايها الناس اتقوا ربكم الذي خلقكم من نفس واحدة. وخلق منها زوجها وبث منهما رجالا كثيرا ونساء. واتقوا الله الذي تساءلون به والارحام - 00:00:43

واتقوا الله الذي تساءلون به والارحام. ان الله كان عليكم رقيبا. يا ايها الذين امنوا اتقوا الله وقولوا قولا سديدا. يصلح لكم اعمالكم.

ويغفر لكم ذنوبكم ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات - 00:01:13

المؤمنين وعلى ذريته وال بيته انك حميد مجيد. اما بعد فاسأل الله العلي العظيم ان ينزل يا اهل هذه القرية من رحماته وبركاته.

اللهم انزل على اهل هذه البلدة من رحماتك وبركاتك ونفحاتك - 00:01:44

يا رب العالمين. اللهم بارك لهم في ارزاقهم. اللهم بارك لهم في يقينهم. اللهم بارك لهم في حسن عليك. اللهم بارك لهم في دينهم

ودنياهم يا رب العالمين. اخواني واحبابي في الله يعني عروة ابن الزبير يعني - 00:02:04

رحمه الله حينما جاءوا ليقطعوا رجله يعني رجله كانت هتتبطر فهم جايين يقطعوا رجله فقال اللهم انك تعلم اني ما مشيت بها الى

حرام قط. اللهم انك تعلم اني ما مشيت بها الى حرام قط - 00:02:24

كبيرة اوي وانت بتسلم الامانة لربنا. وانت بتسلم الامانة وتقول له يا رب انا ما عصتكش بها طرفة عين. وانت بتفيض روحك الى الله

بتسلم عينك لربنا وتقول له يا رب انا ما بصتتش بها الحرام. وانت بتسلم قلبك لربنا. تقول له يا رب انا ما تمتتش - 00:02:44

شبيه الحرام وانت بتسلم رجلك لربنا. تقول له يا رب انا ما مشيتتش بها الحرام. وانت بتسلم جوارحك لربنا. تقول له يا رب انا ما

استعملتهاش في الحرام. تخيل لو واحد راكب عربية فاخرة جدا ووقف قدام باب الجامع عربية مسلا باتنين ثلاثة مليون جنيه -

00:03:04

ولابس بدلة بعشر تلاف جنيه ولا حاجة. ونزل من العربية وفي ايده رزم الدولارات. الورقة بخمسمية دولار. يعني الورقة بخمس تلاف

جنيه كده رزمة دولارات فالناس بتبص له هيعمل بها ايه؟ هيشترى بها حاجة ولا هيطلعها صدقة على حد فقير قام مطلع ولاعة من

جيبه وقام مولع في - 00:03:24

فلوس الناس هتقول على ايه؟ مجنون ليه؟ بيولع في فلوسه. اهو اللي بيولع في عمره اشد جنونا منه؟ اللي بيضيع ايام لياليه من

غير ما يقف مع نفسه. ويشوف قيمة العمر بتاعه. ويشوف هو فين من ربنا اشد جنونا منه. الراجل ده يا جماعة ممكن - 00:03:44

يكون بيكسب كل يوم اضعاف الفلوس اللي بيحرقها. الراجل ده يا اخوانا ممكن يكون عنده اضعاف اللي حرقه. ولكن انت ما عندكش

غير عمر واحد. لو عمر ده راح من غير ما ترضي به ربنا هتروح فين؟ في احد الحوارات التليفزيونية في تليفزيون اجنبي ما -

00:04:04

فين مزيع وما بين واحد ملياردير فالمزيع بيقول للراجل الملياردير الغني جدا بيقول له انت حصلت السروة دي ازاى؟ انت بقيت غني

كده ازاى؟ فالراجل ما ردش عليه قام مطلع شيك وقام ماضي على بياض وقام مدي له شيك. قال له الشيك ده بتاعك. اي مبلغ

هتكتبه هيبقى ملكك. المزيع ارتبك. قال له اي مبلغ - 00:04:24

يعني انا ممكن ابقى غني في لحزة! يعني انا لو كتبت خمسين مليون دولار هيبقوا بتوعى! الراجل الغني قام شادد الشيك. قال له انت

جا لك الفرصة وانت ضيعتها انا لو مكانك عمري ما كنت ضيعت الفرصة عشان كده ربنا خلاني غني. لان عمري ما ضيعت فرصة انت عمرك فرصة. عمرك ده - [00:04:44](#)

الفرصة الوحيدة انك ترضي ربنا. عمرك ده الفرصة الوحيدة انك انت تصحى بالنبي في الجنة. عمرك ده الفرصة الوحيدة انك انت تتنعم بنعيم في الفردوس الاعلى. عمرك ده الفرصة الوحيدة انك تتوب لربنا من زنوبك. ما عندكش غير فرصة. هي عمرك. ما فيش دور ثاني - [00:05:04](#)

الانسان لو مات وقابل ربنا لا يوجد دور ثاني. يقول علماء الادارة ان عدم التخطيط هو التخطيط للفشل. يعني الانسان اللي ما بيخططش لنجاح معناه انه بيخطط بس عشان يفشل. عشان كده خطط لمستقبلك. هنتكلم النهاردة يا جماعة عن - [00:05:24](#)
خطط لمستقبلك. خطط. الدين بيقول لك لازم يبقى عندك خطة. خطط لديناك. اخطط لديناك ازاى؟ هو انت طالع على منبر رسول الله صلى الله عليه وسلم في خطبة الجمعة واحنا جايين نسمع عن ربنا عشان تقول خطط لديتك عشان تكلمنا عن الدنيا - [00:05:44](#)
مش عن الدين عن الدنيا مش عن الآخرة. يا اخوانا هو الدين والدنيا حاجة واحدة. الانسان اللي فايق لدينه هو اكثر انسان ربنا بيكرمه في دينته. الله سيعطيك. سواب كل حسنة بتعملها في الدنيا قبل الآخرة. من رزق الدنيا قبل رزق الآخرة - [00:06:04](#)
من صحة الدنيا وعافية الدنيا قبل صحة الآخرة. النبي عليه الصلاة والسلام خرج على مجموعة من اصحابه. فلقاهم قاعدين يتكلموا وكده خايفين من الفقر. خايفين احسن يفتقروا. خايفين احسن آ الايام تيجي عليهم ويحصل مشاكل في المستقبل. وما يلاقوش فلوس ياكلوا - [00:06:24](#)

بقوا يأكلوا عيالهم او يأكلوا بيوتهم. فقاعدين يتكلموا عن الفقر ويتخوفوا من الفقر. فالنبي عليه الصلاة والسلام قال لهم ايه؟ قال لهم الفقر انتم خايفين من الفقر؟ والله لتصبن عليكم الدنيا صبا. انتم يا اللي ماشيين في طريق - [00:06:44](#)
ربنا خايفين تفتقروا. انتم يا اللي شغالين في الدعوة الى الله. خايفين من الفقر. انتم يا اهل الصيام. يا اهل اهل القيام يا اهل صلاة الجماعة خايفين من الفقر. شف النبي عليه الصلاة والسلام بيقول لهم ايه؟ والله لتصبن - [00:07:04](#)
اليكم الدنيا صبا. الانسان اللي ماشي في طريق ربنا ده الله بيغمره بكرمه. الله بيغمره بنعمه. قال تعالى ولو ان اهل القرى امنوا واتفقوا لفتحنا عليهم بركات ولو ان اهل - [00:07:24](#)

فالقرى امنوا واتفقوا لفتحنا عليهم بركات من السماء والارض. ربنا بيقول لك هافتحها عليك ربنا بيقول لك هفتحها في وشك. ربنا بيقول لك هفتح لك ابواب الرزق. بس اتقيني. بس اعبدي. بس ما تعصنيش. بس - [00:07:44](#)
تتبلغش الرزق بمعصية الله. بس ما تاكلش مال حرام. بس ما تاكلش ورس. بس ما تزلمش حد. بس ما تعقش والدين تقطع صلة رحم ولو ان اهل القرى امنوا واتفقوا لفتحنا عليهم بركات من السماء والارض. عندنا في - [00:08:04](#)
صورة شاب من الشباب يعني عايز يتجوز وعايز يبني بيت وعايز مش لاقى مشروع يفتحه غير ان هو يفتح مقهى يعني يفتح كافيه يسبب شباب يشربوا عليها مخدرات. يفتح قناة بقى كلها فساد بحيس ان هو يجذب الناس. ينزل شيشة فيها - [00:08:24](#)
يعني مش قضية بقى ايه شاي وقهوة لأ ممكن يسبب معصية ربنا تعصى فيها عشان يكسب وعشان يتربح وعشان وفي خلال فترة بسيطة بقى معه فلوس اتجوز ومستني زي اي شاب ان زوجته تبشره ان هي حامل وان هو هيبقى له زرية من صلبه شهر - [00:08:44](#)

اتنين ثلاثة ما فيش حمل. ستة سبعة ثمان شهور ما فيش حمل. سنة اتنين ثلاثة ما فيش حمل. كل الفلوس اللي كسبها انفقها على انه يلف على الدكاترة في كل مكان. في في بلده وفي المحافظات الثانية يدور على الانجاب. اربع خمس ست سبع - [00:09:04](#)
سنين حادش سنة ولم تحمل زوجته. حادش سنة وهو في منطقة عندنا في المنصورة قعد اخوانا عدي وهو الشاب ده قاعد في المقهى ده مهموم بقى وبلغ به الهم. فدخل عليه. قال له يا اخي سبحان الله العزيم هو الشاب ده ما هوش عارف حاجة - [00:09:24](#)
هو شاب ملتزم يعني بيقول له انت امامك سبل ما الحلال كتير. ليه قافلها على حاجات فيها شبهات مال حرام؟ ليه القناة اللي انت مشغلها دي ليه المخدرات اللي انت ساكت عليها دي؟ ليه؟ التدخين اللي انت ساكت عليه ده كلمه عن المال الحلال. الشاب يعني قلبه

أتأسر - 00:09:44

تاني يوم قلب المكان لمائدة. يبيع فيها سندوتشات. يبيع فيها سندوتشات. ما الحلال؟ في هذا الشهر. نفسه حمل زوجته لاول مرة في الشهر داهو الذي تاب الى الله فيه من المال الحرام. الذي جدد التوبة فيه مع الله. الله يريد انه - 00:10:04
الله يريد انه يعافيك. الله يريد انه يصح لك بدنك. الله يريد انه يصلح بالك. الناس هي اللي بتبارز ربنا بالمعاصي الناس هي عاملة زي اللي ماسك مسمار وقاعد يدق على دماغه ويصرخ. يا ابني ما انت اللي بتدق على دماغك. ما تشيله من على راسك. الناس ماسكة

مسمار - 00:10:24

المعصية وقاعدة تدق به على راسها. طب وبعدين ومازا تنتزز كما قال تعالى يا ايها الذين امنوا ما لكم اذا قيل لكم انفروا في سبيل الله ثقلتم ما لكم يعني ايه اللي لك عند ربنا لو انت ما قطعتموش عايز ايه من ربنا - 00:10:44

لو انت ما سمعتش اوامره مستني ربنا يعمل لك ايه؟ لو انت متمرد عليه او مد لربنا ضهرك واتخذ تموه ورائكم ظهرية خطط خطط خطط لساعة الموت خطط لساعة الاحتضار خطط للحظة فراقك لهذه الدنيا - 00:11:04

هي ديت لحزة محتاجة تخطيط؟ لحزة محتاجة تخطيط رهيب. محتاجة تفكر فيها لان من عاش على شيء مات عليه. انت عايش على ايه؟ لو انت طالب زاهر كل يوم خمستاشر ساعة. وفجأة انا فت عليك في البيت. تسعة وتسعين في المية هلاقيك بتزاهر. اهو بالزبط كده. الانسان اللي عايش على طاعة. لو - 00:11:24

ملك الموت نزل فجأة غالبا هيلاقيه بيعمل ايه؟ بيطيع ربنا. طب الانسان اللي عايش على معصية لو ملك الموت نزل فجأة غالبا هيلاقيه بيعمل بيعصي ربنا هي دي القضية يا جماعة. قضية انت عايش على ايه؟ خطط للحزة الموت. قال تعالى - 00:11:44
ولقد خلقنا الانسان ونعلم ما توسوس به نفسه. خواطر صدرك انت متركب كاميرات مراقبة جوة قلبك. خواطر اترك وانت راسك على المخدة في اوضة النوم مراقبة من فوق سبع سماوات. انت صفحة بيضا قدام ربنا سبحانه وتعالى - 00:12:04

ما توسوس به نفسه ونحن اقرب اليه من حبل الوريد. قال الرازي وقال الطاهر ابن عاشور في التحرير قال الرازي في مفاتيح الغيب هزه هذا يحسد لحزة الاحتضار. ونحن اقرب اليه من حبل الوريد. قال لك دا والانسان بيموت بقى لما - 00:12:24
الملايكة بتتنزل زي قول الله ونحن اقرب اليه منكم ولكن لا تبصرون. يعني الجراح بيعمل عملية للمريض هو والفريق بتاعه ملك الموت نزل خد روح المريض والجراح ما هوش شايف حاجة. ولا حد شاف حاجة ونحن اقرب اليه منكم ولكن لا تبصرون -

00:12:44

نحن اقرب اليه من حبل الوريد. اذ يتلقى المتلقيان عن اليمين وعن الشمال قعيد. قال لك من المتلقيان دول؟ وربنا ما قالش مفعول به ليه؟ يتلقون ايه؟ اقول لك تلقيت الكرة. يعني واحد بيحذف لي كورة تلقيتها. انما اذ يتلقى المتلقيان - 00:13:04
ايه لم تذكر الاية هيتلقوا ايه؟ ومين المتلقيان دول؟ اللي واقفين ملهوفين على حاجة مستنيينها. قال لك دول كان بيقفوا على يمين الانسان وشماله ساعة الاحتضار. ساعة الموت. مستنيين ملك الموت يخرج الروح. ويتلقوا الروح من - 00:13:24

اذ يتلقى المتلقيان مستنيين اول ما ملك الموت يخرج روح الانسان فلا يدعوها في يده طرفة عين اذ تلقى المتلقيان عن اليمين وعن الشمال قعيد. تخيل واحد بيموت وهو بيموت يلاقي ملك الموت واقف عند راسه. اول مرة يشوف بقى ويشوف - 00:13:44
ملائكة مد البصر كما اخبرنا النبي صلى الله عليه وسلم اما بيض الوجوه واما سود الوجوه والعياذ بالله. وبعد كده يلاقي ملكين واقفين على يمينه وشماله هو لاول مرة يبدأ يشوف لقد كنت في غفلة من هذا فكشفنا عنك غطاءك فبصرك اليوم حديد - 00:14:04

انت دلوقتي خلاص شايف الدنيا وشايف الآخرة. زي واحد واقف على سور شايف الناحية دي وشايف الناحية دي. شايف الدنيا بحقارتها الدنيا اللي شغلتك عن ربنا. الدنيا اللي فتنتك عن ربنا. وشايف الآخرة بعظمتها. اول مرة تشوف الملايكة دي كلها. هي الملايكة دي كلها عشان مين - 00:14:24

عشان انا! هو انا عملت ايه! هو كل الملايكة دي عشان انا! هو الموضوع كان كبير للدرجة ديت! هو الامتحان اللي احنا فيه كان خطير للدرجة ديت اذ يتلقى المتلقيان عن اليمين وعن الشمال قعيد - 00:14:44

ما يلفظ من قول ما يلفظ من قول الا لديه رقيب عتيد. قال لك مين الرقيب العتيد ده؟ قال لك ده دول كان كتابة الاعمال واحد واقف عند رأسه هنا وواحد واقف عند رأسه هنا. واقفين يكتبوا عليه. قال لك طب الراجل ده بيموت - 00:15:00 على قول هؤلاء المفسرين الراجل ده في الاحتضار واقفين يكتبوا ايه المفروض ملكين الحساب خلاص الراجل بيموت كل واحد اطبق الصحيفة بتاعته ده يقفل صحيفة الحسنات وده يقفل صحيفة السيئات. عشان يسلموها خلاص. واقفين يكتبوا ايه؟ قال لك ما يلفظ من - 00:15:20

قول لو ان لا اله الا الله عند الموت يكتبوها. لو سخط على الله عند الموت والعياذ بالله يكتبوها. لو قال كلمة اه الموت يكتبوها. يعني الراجل بيفتح عينه لقي ملايكة مد البصر. ولقى ملك الموت عند راسه ولقى متلقين عن يمينه وشماله مستنيين الروح - 00:15:40 ولقى رقيب عتيد على يمينه ورقيب عتيد على شماله. واقفين قاعدين يكتبوا عليه اعماله. اذا كانوا بيراقبوه في اللحظة دي. اذا كانوا مستنيين هيقول لا اله الا الله ولا مش هيقول لا اله الا الله في اللحظة دي. امال باقي الحياة كان متراقب قد ايه؟ امال باقي الحياة اين هو كان - 00:16:00

وجاءت سكرة الموت بالحق. ذلك ما كنت منه تحيد. لما ملك الموت بقى يمد يده لينزع الروح من الانسان. الواحد ساعات تخيل كده لو الواحد رايع لدكتور اسنان هينزع له درس هيخلع له درس. والدكتور قال له من غير بنج مش هقدر ان انا اديك بنج. مش هتقدر تدين بنج - 00:16:20

ازاي؟ هتنزع درس من لحمي ودمي من غير بنج ازاي! تخيل بقى ملائكة الموت ما بتديش بنج للانسان. وهي بتنزع روحه من كل عرق وعصب خطط. خطط لهذه اللحظة. خطط للحظة الموت. خطط للحظة الاحتضار. خطط للحظة الوقوف بين يدي الله - 00:16:40 لان هذه اللحظة تأتي في اي لحظة. في اي لحظة ممكن الانسان يبقى من اهل الآخرة. واحد وهو بيموت قالوا له قل لا اله الا الله قال لهم اعمل بها ايه؟ وانا عمري ما سجدت له ولا سجدة واحدة. والعياذ بالله. واحد وهو بيموت بيقولوا له قل لا اله الا الله - 00:17:00 لا اله الا الله. قال لهم وهتفعني بايه؟ وانا عمري ما سبت معصية الا وعصيته بها. والعياذ بالله. احد اخواني عندنا في المنصورة فيه آآ الناحية الثانية من النيل آآ منطقة كده اسمها طلخا كل النيل نوادي افراح. كل النيل - 00:17:20

افراح وسبحان الله ربنا بيقول لبيت اسس على التقوى من اول يوم. يعني المسلمين اول يوم في الجواز يأسسوه على تقوى من الله اول يوم في الحياة الزوجية اللي هو يوم الفرح يأسسوه على تقوى. الوقتي كثير من المسلمين بيأسسوه على معصية الله. العروسة تلبس لبس عاري - 00:17:40 يجيبوا فرق آآ يعني ممكن تعمل حاجات حرام الكل لابس لبس آآ الاختلاط المنزر فمش بايت نقص على التقوى بقى. ده بيت اسس على المعصية. العريس والعروسة مروحين بيتهم اول يوم. معهم شنطة سيئات قد كدهو والعياذ بالله. وداخلين بيتهم بيقولوا يا رب - 00:18:00

رب ذرية ويا رب رزق ويا رب اكرمنا ويا رب الف بينا. منين يا اخوانا منين؟ وانتم بادئين طب طوفان معصية. وانتم بادئينها بتمرد على الله. وتمرد على حدود الله. تلاقي ستاشر مليون عانس ومطلقة - 00:18:20 اتنين مليون قضية طلاق في المحاكم الشرعية. كذا مليون قضية خلع ما هو منين؟ هتجيبوا السعادة الزوجية منين؟ وانتم بدأتوها بمبارزة ربنا معاصي والعياذ بالله. صاحبي ساكن قدام نادي من النوادي ديت. فيقول لي بيقول لي سمعنا صوت صراخ رهيب. فصراخ - 00:18:40

بصورة مفزعة. فيقول كل الناس من البيوت نزلت تجري في الشارع. تشوف هو صوت الصراخ ده ايه. فيقول للجريت نزلت من بيت اجري اشوف الصبح ده ايه؟ لقيت عروسة وعريس بيتزفهم في الكوشة قدام النادي قبل ما يدخلهم. والعروسة واقفة ترقص على الفرقة - 00:19:00

اللي قاعدة تطبل والعروسة بترقص جالها سكتة قلبية وقعت ماتت. فالناس مفزوعة الناس مش متخيلة ان في اللحظة صديق ملك الموت ممكن ينزل. هو ملك الموت بيخاف! هو ملك الموت بيهاب حد! هو ملك الموت! دخل على الملوك! دخل - 00:19:20

على الملك حسين وسط امهر اطباء امريكا في العالم. وقبض روحه. هو ملك الموت بيهاب حد! ولا ملك الموت بيستأذن من حد! سبحان الله العظيم كنت مرة عندنا في المنصورة بكلم مجموعة من الشباب في الشارع يعني آآ بكلمهم عن ربنا يعني جولة دعوية يعني بكلمه - 00:19:40

هل ربنا فبقول لهم في دمياط جنبنا هنا في عمارة كان تحتها كوافير وكان في ثلاث عرايس العمارة وقعت ماتت ثلاث عرايس. فواحد قال لي ما كانوش ثلاثة. قلت له عرفت منين ؟ قال لي انا الضابط اللي ماسك المنطقة هناك. المنطقة اللي فيها العمارة دي في دمياط - 00:20:00

قال لي العمارة دي كان تحتها سبع عرايس. والسبعة ماتم قال لي والعمارة لحد دلوقتي ما فيش حد بناها ثاني. يعني من العقدة اللي حصلت عند الناس اصحاب هذه الارض. قال لي من يومها الى الان ما فيش حد منها ثاني. سبع عرايس. بالبنات اللي كانوا معهم. بالفساتين اللي لابسينها. بالمكياج - 00:20:20

اه بشعورهم اللي مسلمينها للرجال. يعني باسم ان هو بيزينوهم. سبحان الله العظيم! يا اخواني في الله! في لحظة وجاءت سكرة الموت بالحق. في لحظة الانسان ممكن يقابل ربنا. في لحظة الانسان ممكن يموت. مرة وانا واقف في المستشفى ودخلت سيدة يعني في اخر الاربعينات - 00:20:40

في الخمسينات من عمرها كده لسة بصحتها يعني ما هياش ست كبيرة. لأ ده واحدة بصحتها وماشية وشكلها يعني ايه في اواخر شباب كده دخلت الحقوني انا تعبانة انا بموت مش قادرة. وقامت مرمية نفسها على السرير اللي هو بتاع الكشف على المرضى. كل اصحابنا يعني - 00:21:00

اعزم المنظرة فكل واحد جري يجيب حاجة اللي يجيب جهاز ضغط اللي يدور على حاجة يقيس بها سكر اي حاجة بقى يشوفوا الست دي ما لها ولم يبقى في الغرفة الا انا - 00:21:20
واقف ببصلها الست دخلت في غيبوبة في خلال دقيقة واحدة اترمت على السرير دخلت في غيبوبة. فانا بابص لها انا اصلا مش رايح افكر. يعني مش رايح افكر هو فيه ايه ؟ وجدتها والله العظيم يا اخواني بعد ان دخلت في الغيبوبة بعد ان صارت في اغماء كامل. قامت قعدت - 00:21:30

فتحت عينيها ورفعت صابعها للسما. وقالت اشهد ان لا اله الا الله. واشهد ان محمدا رسول الله. ثم فسقطت ميتة. الله اكبرا واحدة في غيبوبة! مين اللي صحاها؟ مين اللي قومها؟ مين اللي اقامها؟ يقينا دي كانت - 00:21:50
عايشة على لا اله الا الله. فماتت على لا اله الا الله. خطط للحزة الموت. خطط لساعة الاحتضار. خطط. احد الشباب بيقول لي يعني اه شباب شاب من شباب القاهرة بيقول لي جالي رسالة احمد مات الله يرحمه والجنابة بتاعته في مسجد كزا في صلاة الظهر - 00:22:10

فبيقول احمد مش عارف مين احمد ده. ها يعني فبيقول ايه ؟ رحت المسجد. فبيقول لي انا داخل من المسجد لقيت شباب كتير وناس كتير داخله المسجد فبقول لهم هو احمد مينا الله يرحمه ما حدش عارف. اومال انتم كلكم جايبين ليه؟ احنا عرفنا ان في شاب عنده خمسة وعشرين سنة اسمه احمد مات. الله يرحمه - 00:22:30

نصلي عليه. بيقول المسجد اتملى كأنها جنازة حد من علية القوم. المسجد اتملى وما فيش حد عارف مين احمد ده. بيقول شوية ولقينا واحد عارف قال ده ده كان بيحفظ الاطفال القرآن. شوية واحد ثاني قال ده كان خاتم المصحف وكان حافظ القرآن كله. شوية واحد قال ده ده - 00:22:50

كان بيودي معونات اكل وفلوس للناس الفقراء. بيساعد الناس الفقرا يجمع لهم ويساعد الناس الفقرا. شوية وواحد واحد قال ده احمد ده الله يرحمه كان بيصوم صيام داوود. كان بيصوم يوم ويفطر يوم. بيقول اول ما الجنابة دخلت المسجد. المسجد كله اجهش في البكاء. وما فيش حد - 00:23:10

ثاني يوم بعد ما دفنوه واحد صاحبه رأى هذا الشاب في الرؤية فبيقول له انت مش زعلان على شبابك بيكلم احمد ده اللي مات في

رؤيا بيقول له انت مش زعلان على شبابك؟ مش زعلان ان وانت عندك خمسة وعشرين سنة مت ومعيشة شبابك؟ قال له ازعل ازاي ؟
وانا بافطر - [00:23:30](#)

واتعدى واتعشى مع سيدنا عثمان ابن عفان. الله اكبر! قلت سيدنا عثمان مات وهو ماسك المصحف وده كان خاتم المصحف ويحفظ القرآن. سيدنا عثمان مات وهو صايم. وده كان بيصوم صيام داوود يصوم يوم ويفطر يوم - [00:23:50](#)

ان الله الحق به رحمة من الله سبحانه وتعالى خطط لهذه اللحظات. خطط للقبور. خطط لنزلة القبر. خطط ده اول ليلة لك في القبر. لاول ليلة لك في الدار الآخرة. قال تعالى - [00:24:10](#)

واتقوا يوما ترجعون فيه الى الله. واتقوا يوما ترجعون فيه الى الله. ده الآية دي بتتكلم يعني اول ليلة في القبر اول ليلة اتقوا يوما ترجعون فيه الى الله. هذه الآية هي اخر اية نزلت في القرآن. يعني اخر - [00:24:27](#)

رسالة من السماء الى الارض عن اول ليلة في القبر. اخر اية نزلت ربنا بيقول لك استعد لاول ليلة في القبر خطط لاول ليلة في القبر. واتقوا يوما ترجعون فيه الى الله. قال رسول الله صلى الله عليه وسلم في الحديث الذي رواه ابو - [00:24:47](#)

هريرة ان الميت اذا وضع في قبره ان الميت اذا فوضع في قبره فانه يسمع قرع نعالهم اذا ولوا مدبرين. النبي بيقول لك الميت اول ما بيتقفل عليه والناس وقفت بقى دقيقتين كده وبعد كده الناس ماشية. فيقول لك الميت ده بيسمع قرع نعال الناس. قارع - [00:25:07](#)

نعالي الناس اذا ولوا مدبرين. يعني ايه قرع؟ يا رسول الله القرع ده ان انا اجيب حديد واخبط به على حديد. انما الناس لابسة احذية جلد وماشية بقى على ارض تراب. ما لهاش صوت اصلا. ما فيش صوت. يعني لا يمكن انك انت تتبين صوت اقدام الناس وهي ماشية غير بصعوبة. هو النبي قال - [00:25:37](#)

لقرع ليه؟ ده وقع صوت رجليهم على قلب الميت. وهو شايف نفسه هيتساب لوحده. هيتساب لوحده خلاص خلاص ليس معه الا عمله. الكل غدروه. ان الميت اذا وضع في قبره فانه يسمع قرع نعالهم - [00:25:57](#)

اذا ولوا مدبرين قال رسول الله صلى الله عليه وسلم فان كان مؤمنا فان كان مؤمنا يحصل مشهد غريب جدا في القبر يحصل مشهد من اعجب ما يكون. كانت الصلاة عند رأسه. تيجي الصلاة زي بودي جارد كده زي حارس - [00:26:17](#)

اسألني كده وتقوم واقفة عند راسه. كانت الصلاة عند رأسه. وكان الصيام عن يمينه. وكان كانت الزكاة عن شماله. وكان فعل الخيرات من الصدقة والاحسان الى الناس عند رجليه. العبادات اللي كان بيعبد - [00:26:37](#)

ربنا بها تيجي زي حراس امن تقف حواليه كده داير ما يدور من كل ناحية! يا نهار ابيض! هو ايه اللي يحصل؟ شف الوقت اللي يحصل شف المشهد فيؤتى من عند رأسه. مين اللي ياتيه؟ ملايكة العذاب. ليه؟ الراجل ده عمل زنوب يا جماعة - [00:26:57](#)

عمل زنوب تستحق بها ان يعذب في قبره. فتيجي ملايكة العذاب عشان تعزبه بالزنوب بتاعته. يعني هو كان راجل مجتهد في العبادة وفي نفس الوقت له بعض زنوب. فيؤتى من عند رأسه. تخيل فزعه بقى وملائكة العذاب جاية له من عند راسه. فازا بمشهد رهيب -

[00:27:17](#)

فتقول الصلاة ما قبلي مدخل. الصلاة تقف لتدافع عنه في القبر. اللي مضيع صلاة الفجر اللي ما بيصلش في جماعة. اللي ما عندوش ولو حتى ربع ساعة قبل الفجر بيصلي لربنا فيهم ركعتين. اللي ما بيصلش السنن الرواتب - [00:27:37](#)

هيندم ساعتها قد ايه؟ فتقول الصلاة ما قبلي مدخل؟ فيؤتى من عن يمينه ملايكة العذاب تيجي من على الناحية اليمين. فيقول الصيام ما قبلي مدخل؟ اللي ما بيصوموش يا جماعة. انا مش هاقول في رمضان. لانها اصبحت في - [00:27:57](#)

مصيبة دلوقتي بين يعني بعض الناس اللي بتعمل في بعض يقول لك انا مش قادر اصوم. ما اقدرش اصوم في رمضان بل بعض الشباب يقول لك انا ما بصومش في رمضان - [00:28:17](#)

بل كثير من بنات سانوي وشباب سانوي ما بيصومش في رمضان والعياز بالله يقول لك رمضان في الحر حر مين يا ابني؟ ده ده صيام الفرض امال صيام النافلة حتى صيام تلتاشر واربعتاشر وخمستاشر في الشهر العربي. التلات ايام البيض. صيام اتنين وخميس.

النبي عليه الصلاة والسلام فيؤتى من عن يمينه. فيقول الصيام ما قبلي مدخل. ما فيش حد هيوصل له من ناحيتي. فيؤتى من عن شماله. فتقول الزكاة ما قبلي مدخل فيؤتى من عند رجله فيقول فعل الخيرات من الصدقة والاحسان الى الناس. ما ق - 00:28:47
مدخل ما فيش عزاب قبر ليه ؟ بسبب العبادات. طب انت اخبارك ايه مع العبادات؟ طب انت جهدك ايه مع العبادات؟ ان كان كافرا. العلماء قالوا هنا كافر مش معناه كافر بالله. امال كافر يعني ايه والعياذ بالله؟ قال لك ده ده اللي هو الكفر بنعمة الله. مسلم في -

00:29:07

بطاقة الحديث ده بيشرح مقابر المسلمين بيحصل فيها ايه؟ وان كان كافرا. يؤتى من عند رأسه لا يوجد شيء ما فيش حد يدافع عنه من العزاب. ثم يؤتى من عن يمينه فلا يوجد شيء. ثم يؤتى - 00:29:27

من عند شماله فلا يوجد شيء ثم يؤتى من عند رجله فلا يوجد شيء. يتعزب في القبر بتاعه وما فيش عبادة انت تحميه ثم يأتيه

ملكان فيجلسانه فيجلس مشعوبا خائفا. يجي له ملكان يقعدوه - 00:29:47

يقعد بقى وهو مفزوع فيه ايه! شف ببسألوه يقولوا له ايه! فاذا الرجل الذي كان قبلكم انتم في بلدكم كده كان فيه واحد كده كل ما يتقال اسمه الناس كلها تقول عليه الصلاة والسلام. ها كان فيه واحد كده في بلدكم شوفوا الملايكة بتسأله عن سيدنا محمد -

00:30:07

الطريقة شكلها ايه ؟ عشان باقول لك ان الحديث ده اصلا للمسلمين. ده ده مازا يحبس داخل مقابر المسلمين. الراجل ده كان مسلم في البطاقة. ارأيت هذا الرجل الذي كان قبلكم كان فيه واحد من الناس بتعزمه اوي وبيقولوا عليه الصلاة والسلام ماذا تقول فيه

وماذا تشهد عليه - 00:30:27

الراجل اللي كانت الناس عندهم عظماء وبيقولوا عليه الصلاة والسلام. الراجل ده انت رأيك فيه ايه انتم فاهمين السؤال يا جماعة؟ انتم عارفين معنى السؤال ايه؟ هو مش عارف دول مين. فيه ناس فاكدة ان الملكين في القبر هيجوا لابسين جلابية بيضا -

00:30:47

حاطين السواك في جيب الجلابية وماسكين المصحف وغترة بيضا كده جميلة. وداخلين يقول لك يا اخي المسلم نحن من عند الله الاحد الصمد الذي ارسل محمد بالحق والقرآن الصادق. قل لي بقى من ربك يا سلام! هو امتحان القبر صعوبته ايه؟ ما حدش عارف

دول مين اصلا - 00:31:08

اصلا ما حدش عارف دول تبع مين اصلا. عشان كده خطورة الامتحان ده ان اللي شاكك في الدين بيتشل. لانه مش عارف هم دول تبع انه دين ولا تبع انه ملة ولا تبع ايه؟ حتى ببسألوه ما يقولوش لا ده يقولوا له الرجل اللي كان الناس - 00:31:28

عندهم في بلدكم. انت رأيك فيه ايه ؟ هو مش عارف هو اصلا هو لو شاكك هيتشال فاقول لهم اي رجل اي رجل فيقولان له محمد ما يقولوش عليه الصلاة والسلام بقى. محمد اللي اسمه محمد اللي الناس عندهم مؤمنة به - 00:31:48

قولك في ايه فيقول لا ادري واحد شاكك والعياذ بالله شاكك في دينه لا ادري سمعت الناس قالوا فقلت كما قال الناس. كنت اقعد في القعدة كده فواحد يقول سيدنا محمد يقول عليه الصلاة والسلام. اقول عليه الصلاة والسلام انا كمان. انما - 00:32:08

عمري ما وقفت مع نفسي. عمري ما فتحت القرآن وسألت نفسي. هو انا فعلا موقن بالاسلام! هو انا فعلا موقن برسول الله! هو انا فعلا موقن بالدار الآخرة. ما وقفتش مع نفسي سمعت الناس قالوا قولوا فقلت كما قال الناس. ده - 00:32:28

اعوذ بالله يعذب في قبره والعياذ بالله. ليه ؟ ما جهزش. ما تعبش عشان اول ليلة في القبر. ما خططش لاول ليلة في القبر جهز لما بعد الموت. جهز للحزة لقاء الله. جهز للحظة العرض الرهيب على الله. فتقول له الملايكة - 00:32:48

لا دريت ولا تليت. لا دريت ولا تليت. عنك ما وعدت ولا انت كنت من اهل القرآن في الدنيا عشان تفهم. لو كنت قرئت كنت فهمت. لو كنت فتحت المصحف كنت ايقنت. لو كنت ارتبطت - 00:33:08

بكلام الله كنت امنت. لا دريت عنك ما فهمت ولا تليت. ولا كنت من اهل تلاوة القرآن ولا ارتبطت بالقرآن عشان تفهم كنت هتفهم منين

؟ اقول قولي هذا واستغفر الله لي ولكم. الحمد لله وكفى. وصلاة وسلاما على عباده الذين اصطفوا - [00:33:28](#)

اللهم لك الحمد كله ولك الملك كله وبيدك الخير كله واليك يرجع الامر كله. اللهم صل على عبدك نبيك محمد صلى الله عليه وسلم في الاولين والآخرين وفي كل وقت وحين. اما بعد اخواني واحبابي في الله. يعني تخيل كده من باب - [00:33:48](#)

ما دام احنا بتتكلم عن التخطيط. تخيل كده لو انت لك واحد صاحبك موزف حكومة على قد حاله اوي. المرتب بتاعه بالعافية ممشيه هو ومراته ومن يوم عشرين في الشهر يبدأ يستلف عمال يقبض المرتب الجديد. ويعني ماشية بالعافية. فمرة ماشي كده لقيت واحد راكب عربية مرسيدس فخمة جدا - [00:34:08](#)

فانت يعني ما تهوش من العربية بتبص لقيته صاحبك. هو ايه ده! ده واحد مديها له يسوقها ولا ايه ولا ايه ده! وبعد كده قام موقف العربية قدام كم فيلا فاخرة قصر فاخر. واول ما وقف العربية نزل ثلاثة اربعة فتحوا له الباب واتفضل يا باشا. واتفضل حضرتك ايه ده! ده دي الفيلا بتاعته. ودول - [00:34:28](#)

الخدم اللي عنده ودي العربية بتاعته. هو ايه ده! هو النقل ده حصلت له ازاي ؟ فانت جريت عليه. قلت له يا فلان قال لك نعم. قلت له انت جبت الكلام ده امتي ؟ ده انت - [00:34:48](#)

راجل فقير وعلى قد حالك. انت حالك اتقلب كده امتي ؟ قال لك بص بقى انت صاحبي وحبيبي وما اقدرش اكذب عليك ابدا. انا كنت كل شهر اول ما اقبض المرتب بتاعي اقوم محوش شوية منه على جنب. الشهر اللي بعده شوية تانيين. الشرق - [00:34:58](#)

جنيه على جنيه شهر ورا شهر جبت اللي انت شايفه ده. بالله عليك اللي يصدق الراجل ده يبقى ايه يا مجنون! يا سلام! هو فيه واحد بيعتنم المرتب بتاعه! اومال اللي بيعتنم بيعتنم ازاي! لازم خبطة! لازم صفقة - [00:35:18](#)

ورس خبطة انما النقلة لازم بتبقى بخبطة. اه هو الصفقة جت يا جماعة. الصفقة اللي هتعمل نقلة لنا رمضان رمضان على الابواب. رمضان بينا وبينه اسابيع. رمضان خلاص اقترب. ما فيش حد بيعتنم المرتب بتاعه - [00:35:38](#)

يعني انت مسلا في الايام العادية بتعمل حسنات بتصلي وفي نفس الوقت الواحد بيعق في معاصي. يعني الواحد مش هيقدر يبقى مليونير من الايام العادية غالبا انما رمضان تضاعف الحسنات مئات المرات. ابواب الجنة التمانية مفتوحة. النفحات والرحمات متنزلة. الله بدل ما - [00:35:58](#)

في تلت الليل الاخير يتنزل في ثلثي الليل الاخيرين. كله رحمت. فرصة انك تنقل. فرصة لنقلة في حياتك. قضية خطيرة اوي قضية لما تلاقي ان الوقت بيتكلموا عن كأس دوري ابطال اوروبا اللي هيبقى فيه شيه منه في رمضان. من الوقتي الا - [00:36:18](#)

رمضان مستهدف ومسلسلات رمضان. والسانوية العامة والجامعات هيبقى فيه جزء من امتحانها في رمضان. هو ايه؟ رمضان يا اخوانا الدنيا ممكن تخطفوا منا هل انت ممكن تضيع هذه الفرصة العظيمة؟ تخيل لو انت سافرت كده على طريق صحراوي وانت في نص الطريق - [00:36:38](#)

الطرق الصحراوية بتبقى ايه؟ الطرق الصحراوية او الطرق الجبلية بتاعة الصعيد بتبقى طرق موحشة جدا. وانت في نص الطريق وقت اول الليل كده العربية عطلت منك. ممكن ممكن يطلع عليك دين من الديابة ممكن يطلع عليك حد حرامي فانت خايف. فطلعت المحمول واتصلت بحد عشان يبجي ينقذك. العربية بتاعتك واقفة - [00:36:58](#)

اول ما التليفون رن واحد بيقول لك الو التليفون فصل شحن. انت قلبك يبقى حالته ايه بقى لما التليفون يفصل شحن؟ فيه مواقف لا تحتمل ان التليفون يفصل فيها شحن. اهو بالزبط كده فيه مواقف لا تحتمل ان قلبك يفصل فيه شحن. رمضان لا يحتمل ان قلبك يفصل فيه - [00:37:18](#)

مواسم العبادة لا تحتمل. ان قلبك يفصل فيها شحن. لما يعني آآ الواحد ايديه اتجبست من سنة كده ولا سنتين فيوم ما جيت افك الجبس بعد شهر ونص ايديا في الجبس. فجاي خلاص فكوا الجبس بقى. جاي امسك ورقة. الورقة وقعت من ايدي. جاية امسك شنطة. لقيت ايدي عاملة زي - [00:37:38](#)

البشولة اجعزت قلت هو انا ايدي راحت ولا ايه؟ قالوا لي لا ما فيش حد بيفك الجبس ويقدر يحرك ايده او رجله على طول. ده انت

قدامك شهر اما ايدك تفك - 00:37:58

ورجلك تفك. اهو بالزبط كده احنا قلوبنا متجسبة. بحب الدنيا. لو انت افكرت ان اول ما يتقال لك رمضان بدأ يلا تراويح وسهج وقرآن متهيأ لك. ليه ؟ لانك اول ما هتفك الجبس هتلاقي قلبك ما هوش شغال. لازم تفك الجبس من دلوقتي. لازم تستعد -

00:38:08

رمضان من الوقتي لازم نبدأ نستعد استعداد حقيقي يا جماعة. مين فينا قرأ سورة الكهف النهاردة؟ مين فينا قرأ سورة الكهف النهاردة يا اخوانا؟ مين فينا وقت يومي بيقرأ فيه قرآن سابت. يوميا لازم يفتح المصحف. يوميا لازم يرتبط بكتاب الله. مين فينا بيحضر -

00:38:28

درس ايماني يشحن قلبه بالايمان. يا اخوانا احنا في الدنيا عشان نجيب شهادة تطلع عنينا. كان عندي درس في المنصورة كل جمعة وجالي مجموعة من الشباب كده حضروا الدرس وبعد الدرس بقى ايه ببسملوا علي قالوا لي بس للاسف الشديد احنا مش هنقدر

نيجي الدرس ثاني ابدأ - 00:38:48

قلت لهم ليه ؟ قالوا لي اصل احنا من المحلة انت في المنصورة واحنا في المحلة ما نقدرش نيجي الدرس خالص. قلت لهم طب هو انتم طلبة ولا بتشتغلوا يا طلبة. قلت لهم طلبة فين ؟ قالوا لي في جامعة المنصورة. قلت لهم في جامعة المنصورة ده ايه اه. قلت لهم

طب امال انتم بتيجوا الجامعة ازاي ؟ قالوا لي كل يوم بنيجي الجامعة. كل يوم قالوا - 00:39:08

كل يوم قلت لهم بس الساعة سبعة الصبح دي المواصلات بتبقى نار. عشان تلاقي مكان في ميكروباص يوصلك. ده انت بتطلع روحك. لأ لازم نستحمل والتعليم قلت لهم يعني انتم مش ساكنين في المنصورة سكن طلبة قالوا لأ. كل يوم بنزل عشان المحاضرات. قلت

لهم يعني انتم ست ايام في الاسبوع بتنزلوا كل يوم - 00:39:28

والدنيا طلوع روح في الزحمة عشان المحاضرات عشان الدنيا. ويوم الجمعة الفاضي. اللي المواصلات فيه فاضية. اللي بين المحلة والمنصورة في ربع ساعة تلاقي نفسك موجود. مش هقدر انزل ليه؟ اصل ده الدين. اصل ده الدين ده الاخرة بقى فانا مش فاضي. ما

اقدرش انما الدنيا - 00:39:48

تطلع عيني عشانها. الدنيا اضاعها عشانها. واحدة متصلة باحد اخواني من الدعاة. بتقول له جوزي سافر برة في الخليج يشتغل بعد اول سنة ربنا فتح عليه اوي. بعث لي اشتريت حطة ارض. ثاني سنة رزقه ما شاء الله فضل زي ما هو. بعث لي - 00:40:08

بنتها فيلا. ثالث سنة بعث لي شطبتها وقفلتها. رابع سنة بعث لي فرشتها. خامس سنة مات رجع جسة ما سكينش يوم واحد في الفيلا اللي متغرب بقى له سنين عشانها. قضية ان الانسان ممكن يفضل يفلح عشان الدنيا في الاخر يموت قبل ما ياخذ منها اي حاجة -

00:40:28

حاجة قبل ما يطلع منها باي ثمرة عايزين نبص لآخرتنا يا جماعة. عايزين نلتفت الى الاخرة بتاعتنا. عايزين نلتفت الى علاقتنا بالله النبي عليه الصلاة والسلام قاعد في المسجد بيدي درس. فجه ثلاثة فبصوا على المجلس بتاع النبي كده عليه الصلاة والسلام. فلقوا

الدنيا زحمة - 00:40:48

حر فواحد منهم ايه قعد يوسع ما بين الناس لحد ما لقي حطة جنب النبي وهو قاعد فيها. والثاني اتكسف انه يدخل بين الناس قام قاعد ورا والتالت بص كده الدنيا زحمة وحر والنبي عليه الصلاة والسلام موجود كل يوم يعني وخلص يعني ما لو قعدنا نسمع يا عم

الدروس اللي انتم بتقولوها في الجوامع دي هنسمع ايه - 00:41:08

يعني ما الكلام ده كلنا عارفينه قام ماشي. ماشي. فالنبي عليه الصلاة والسلام ما عداش الموقف. قال لهم الا انبئكم بخبر السلاسة؟

اقول لكم الثلاثة دول عند دلوقتي اما الاول الاول اللي اللي شاف حطة وقعد فيها في الدرس. فاوى الى الله - 00:41:28

رواه الله ايه ده يا جماعة! هو ده سواب ان واحد حضر درس! واحنا مفرطين في دروس الايمان في المساجد! هي الدروس الايمانية طلعت معسكرات ايواء ربانية واما الساني اللي اتكسف وقعد ورا فاستحيا فاستحيا - 00:41:48

منه. يعني ايه استحيا الله منه؟ ان الله حيي كريم. يستحي اذا رفع اليه العبد يديه ان يردهما صفرا خائبين. يعني حيا الله من لو

رفع ايده وقال يا رب ربنا هيستجيب دعاؤه. يعني اللي قعد ورا ادى ده اقل جايضة. ده ده اللي قعد ورا خالص. خد - [00:42:11](#)
اجابة الدعاء بقى مستجاب الدعاء. ده ده بسبب الدروس الايمانية! امال اللي مشي بقى يا رسول الله! واما السالس واما السالس
فاعرض فاعرض الله عنه ايه ده! هو عمل ايه ؟ ما رضاش يحضر دروس. اعرض اعرض يعني معناها ما عنديش وقت. لما تقابل واحد
كده في الشارع وانت مستعجل تدي له عرض اكتافك - [00:42:31](#)

اعرض مش فاضي. فاعرض الله عنه. مين فينا يستحمل عقوبة اعرض الله عنه؟ اللي مش راضي يسمع دين. اللي مش راضي اسمع
دروس دين. اللي مش راضي يقعد في بيت ربنا يسمع من حد من اهل العلم كلام في الدين. ويقول لك مش فاضي. الله - [00:42:59](#)
ما انت يا عم لو مرضت ولا جا لك دور برد ربنا يعافينا اجمعين. هتنفz سرير اسبوع. هتنفz سرير واحد آآ لما كنا داخلين سانوية عامة
طالب جاي يمتحن موتوسيكلي خبطه سنة كاملة راحت عليه. هو انت يعني لو حصل لواحد عارض هيقول مش فاضي! اشمعنى مع
ربنا مش - [00:43:19](#)

قاضي. اشمعنى مع ورد القرآن مش فاضي. اشمعنى يا اخوانا مع دين ربنا مش فاضي. عشان كده اوصيكم الاستعداد السليم لرمضان.
الشهرين اللي جايين دول اخوانكم يعني جزاهم الله خيرا هنا في المسجد. عاملين حاجات جميلة جدا. يوم الاثنين بعد - [00:43:39](#)
المغرب يوم ايه؟ الاثنين بعد الايه؟ مغرب. من المغرب للعشاء من المغرب للعشاء ديت انت لو شربت كوباية شاي مش هتلق
تخلصها. يعني لو انت طالب وعندك امتحانات حتى لو انت جيت تذاكر مش هتلق تخلص صفحة. من المغرب للعشاء اما تطلع من
الصلاة وتيجي الصلاة اللي بعدها تدن. يعني - [00:43:59](#)

الوقت اصلا ما بتعرفش تعمل فيه حاجة. ممكن تاخد به سواب عند ربنا قد ايه يوم الاثنين بعد المغرب الشيخ حمادة هندي. الشيخ
حمادة هندي. يعني اخوانكم عاملين درس. كل اتنين بازن الله سبحانه وتعالى درس ايماني درس - [00:44:19](#)
واعزي درس يذكركم بالله ان شاء الله بازن الله. سواء لحد من الدعاء سابت او بيتعاقب عليه الدعاء. تسمع كلام عن ربنا. تسمع كادي
ساعة من وقتك قل يا رب انا جاي لك انت. انا جاي لك اسمع عنك. كل حد ده يوم الاثنين. اليوم اللي قبله بقى يوم الحد تحفيز قرآن
في المسجد. للي عايز يحفز - [00:44:36](#)

كلام ربنا اللي بيحفز كلام ربنا ربنا بيحفزه. يوم الاربع تصحيح تلاوة بعد المغرب الشيخ محمود عبدالفتاح الجزار يعني يوم الحد
والاربع قرآن. يوم الحد حفز قرآن ويوم الاربع تجويد قرآن. عشان تبقى بتقرا القرآن صاحي يتلونه حق تلاوته. اولئك يؤمنون به -
[00:44:56](#)

الاثنين درس حاجة بسيطة والله يا اخوانا. ولكن تاخد بها اوى الى الله فاواه الله. ولكن تاخد بها الثواب عند الله. اسأل الله سبحانه
وتعالى ان يسددكم اجمعين. اللهم انزل من بركاتك ورحماتك على اهل هذه البلدة. اللهم اشف مرضاهم. اللهم ارحم - [00:45:16](#)
موتاهم. اللهم ادم الديون عنا دينهم. اللهم فرج كربهم وكرب المسلمين. اللهم اكشف الهم والغم عنا وعنهم يا رب العالمين اللهم
استعملنا ولا تستبدل بنا. اللهم استعملنا ولا تستبدل بنا. اللهم استعملنا ولا تستبدل بنا. اللهم انا - [00:45:36](#)
استغفرك من كل ذنب عصيانك به ونستغفرك من كل صلاة ضيعناها ونستغفرك من كل ذنب تبني اليك منه ثم عدنا فيه. ونستغفرك
من كل خطوة الى حرام مشيناها. ومن كل ساعة - [00:45:56](#)

بغير رضاك اضعنناها. ومن كل لقمة حرام اكلناها. يا من تبسط يدك بالليل ليتوب النهار تب علينا يا ربنا من ذنوب الليل والنهار. تب
علينا يا ربنا من ذنوب الليل والنهار - [00:46:16](#)

اللهم تب علينا لتتوب. تب علينا توبة ترضى بها عنا. تب علينا توبة ترضيك. تب علينا توبة نصوحة. تب علينا توبة لا نرد على اعقابنا
بعدها ابدا. اللهم اغثنا. اللهم اغثنا. اللهم طهر مصر من المواقع الفاسدة - [00:46:36](#)
اللهم طهر مصر من الزنا والخنا. اللهم طهر مصر من الخمر والمخدرات. اللهم طهر مصر من الرشوة والربا. اللهم طهر مصر من كل ما
يخالف شرعك يا رب العالمين. اللهم انصر دينك واعز اوليائك واعز - [00:46:56](#)
اياك اللهم ائذن لدينك ان يسود واذن لشرعك ان يقود. واذن لكتابك ان يحكم. اللهم اكرمنا تهمننا اللهم اعطنا ولا تحرمنا. اللهم اثرننا ولا

تؤثر علينا. اللهم اهدنا ويسر الهدى الينا - 00:47:16

رحمتك يا ارحم الراحمين. سبحانك اللهم وبحمدك. اشهد ان لا اله الا انت استغفرك واتوب اليك - 00:47:36